

# «Къырым эвляды»

ГАЗЕТАНЫЪ БУ  
НОМЕРАСЫНДА:

- |   |   |
|---|---|
| Йылбаш байрамы                              | 1 |
| Сувдагъымыз —<br>бизим дюльбер<br>шеэримиз! | 2 |
| Тапмаджалар                                 | 3 |

## Йылбаш байрамы

Декабрынь 26 ве 27 куню мектепте 1-5-нджи сыныфлар ичюн тылсымлы фокусларнен ве бахшышларнен мераклы саналаштырмалар откерильди, орта сыныф талелери исе озь сыныфларында джыйынлар тешкиль эттилер ве байрам софраларны донаттылар.

Янъы йыл кейфи ве якъынлашкъан къыш байрамларындан кельген къуванч бу тедбирлерни шенъ ве эфсаневий япты. Талелер ве оджалар эр кесни якъынлашкъан байрамнен хайырлайлар!



# *Сувдагъымыз — бизим дюльбер шеэримиз!*



Халкъымыз бу шеэрни даима бойле, яни «сув» ве «дагъ»ны къошып, адландыргъан. Чешит заманларда мында чешит халкълар, къабилелер алыш-веришчиликнен ве, атта, дженкнен басып, келип къалгъанлар. Олар бу адны догъру айтып оламай, онъа Сугдея, Солдая, Сугъдакъ, дегенлер.

Сувдагънынъ энъ корюмли ери — Дженеviz къалеси. О IX асырда къурулгъан. Къаледе чешит заманларда чешит буюк къабилелер векиллери яшагъан. Къале диварларынынъ юксеклиги 8 метр, къалынылыгъы 2 метр. Онынъ 14 къуллеси олгъан.

XI-X асырда шеэр къырым къыпчакъларынынъ пайтахты олгъан. Ислям дини укюм сюре башлагъан. 1222 сенеси сельджук тюрклері Сувдагъкъа уджюм этип, тез вакъытта къале ичинде Къырымда Алланынъ ильк эви -- Падиша-джамини (я да Баязид-Джами) къургъанлар.



Сувдагънынъ этрафында гузель адлы къадимий койлер ерлешкен: Къоз, Къутлакъ, Айсерез, Отуз, Ворун, Шелен, Хапсихор, Таракъташ, Сувукъ-Сув, Эль-Бузлу... Оларнынъ тарихы пек меракълы.

# Тапмаджалар

*Аягы ёкъ – къача,  
Къанаты ёкъ – уча.*



*Гедже-куньдюз кезерим,  
Эр бир шейни сезерим,  
Сюрюге хырсыз тюшсе,  
Башын-козюн эзерим.*

*Башы таракъ –  
Къуйругъы оракъ.*



*Зувул, зувул, зувул къушлар,  
Эм койде, эм дагъда къышлар,  
Озю ичюн азырлар,  
Инсанларгъа багъышлар.*

*Алдым – бир дане,  
Ачтым – бинъ дане.*

